

سنة ١٤١٥ هـ
العدد ١٠٠٠
بأمر الكاتب بالبريد

شارع أرباب السراية
١٤١٥ هـ

على باب الرحيل

شعر

أحمد الخولي

خيول أدبية
سلسلة إبداعات أدباء الشرقية
تصدرها محافظة الشرقية بالتنسيق
مع مديرية الثقافة

برعاية كريمة من سيادة المستشار يحي عبد المجيد محافظ الشرقية تحول حلم الأدباء إلي واقع ملموس ، وها هو الاستثمار الثقافي ينتقل من حيز القول إلي ميدان الفعل لتخطو على درب الحركة الثقافية والأدبية بالشرقية (خيول أدبية) ذات صهيل شرقاوى أصيل . تعزف على أوتارها تنويعات إبداعية في مختلف ميادين وفنون الأدب العربي . ولاشك أن هذه السلسلة الأدبية الجديدة سوف تحدث أثرا طيبا في تفعيل حركة الإبداع الأدبي والفكري في محافظة الشرقية الغنية بأدبائها ومبدعيها كما كانت على مر التاريخ .. حيث قدمت أعلاما استطاعوا أن يبرزوا الوجه الثقافي والحضاري لهذه المحافظة العريقة أمثال يوسف إدريس وصلاح عبد الصبور وعزيز أباضة ومرسي جميل عزيز ود. محمد مندور .. وآخرين .. حق لنا أنا نفخر ونفاخر بهم ، وأن نفخر بمن على دربهم يسرون بخطي وثقة في طريق الإبداع الإنساني الهادف والنبيل . كما يحق علينا أن نفخر بقادتنا الذين يؤمنون بمنظومة العمل الثقافي في تنمية وتوجيه فكر مجتمعنا .

يطيب لي أن أنقل شكر وتقدير الأدباء لقائد مسيرة التنمية الشاملة بالشرقية على هذا التوجه الحضاري والذي يؤكد على صدق إيمانه بأن الاستثمار الثقافي أعظم استثمار قومي للوطن ، تواصل مع من يرسمون وجهها مشرقا لمستقبل الثقافة والإبداع في مصرنا الحبيبة .

والله الموفق والهادي إلي سواء السبيل

فتحي محلا

مدير عام الثقافة بالشرقية

خيول أدبية
سلسلة غير دورية
تعني بنشر الإبداعات الشريفة
شعر (على باب الرحيل)
أحمد الخولي
الطبعة الأولى
مارس 2006

إهداء

إلبي
النور الباعث للأمل
والأمل الباعث للحياة
والحياة الأكثر مدعاة لأن نعيشها
بحب وسلام

أحمد الخولي

المناجاة
الذات والوصف

شجر التاريخ
ضلل على اصحابه
وشجر الوطن ضلل على
احزابه

وشجري انا

راجع لواحدة حزين
تنهز اوراقه .. وتسقط ع الطريق
حكايات

فلا نامت الفكرة ولا ..

ولا قامت

الطرقا .

تنادي الناس
منين ما تكون
ملغني الكلمة ندرکها
ووعي اللحظة .. نسرجهها
ونعفاً سرجهها المشدود
بسر الكاف
وسر النون

وكن فيكون ..
ويا الله !
رعبت نفسي من الأحاسيس
في بحر التكون
لا حد بكلمي أتألم
ولا اتعلم
تلاوة حرف نازف محنتي
في بيوت قصائد غربي
المسكونة خوف .

يا بحر نزيـف
منين ح نجيب لمعنة الوطن
مجاديف
بتعبر بينا بر الزيف
وشط الكذب والتسوييف .

.. . . .

منين ح نجيب
لمعنة الكلام ألوان
ورق أبيض ، وحبر اسود
وسطر أخضر
قطوف وحروف
بتدلي على
رؤوسنا ..
تمرجنا .. تأرخنا مع التواريخ
ونعشقها مع
الأوطان ؟ .

بسم الله _____

وفي المصنع
باكون أسطى
وفي الدكّانة متشمر
ومتعلم أخطى بحكمه وأسمي
باسم الله

أحس الدنيا قدامى في ضيقها براح
فأتبسم واحمد ربنا في علاه
وأسجد له
فيفتح لي جميع
لأبواب

تقرب منى وتأخذنى
بقلب حنون
بقلب ملان رضى وإحساس
بفيض الخير
باسم الله

أرش الضي وأتوضي
بنور الفجر وأصلى
أعيش الدنيا طير رحال
يسافر رحلته لبعيد

ويوم م يعود
تزقزقه طيور صغار
وحتى الطير ولو سافر
ورفرف فوق سماواته
يصلى .. الحب
للرزاق

يلاقى الرزق جاي موفور
معاه اسرح .. وأقول
.....الله !!

سبحانه ..
رحيم وحنون على
خلقه .

ولو طاغي ..
ولو باغي ..
ولو عاصي
بيغفر له .

وهو العاطي والرزاق
تنبت حبه في أرضه
فيرويها بشعاع الضي
وياخذ منها ..
يذّيبها .

نسيم الخير
وملو الكون بآياته
ومالك أمري يوم الدين
أتوب .. وأعصى
وأتوب .. وأعصى
وأعصى ..
وأتوب .

يقول عصيت
أقوله : يارب أنا تائب
يقول عصيت
أقوله : يارب أنا تائب
ترد جوارحي تفضحني
يقول روح عفيت عنك
ويكتبني مع
التائبين .

وأنا العاصي
وسبحانك .. ويا الله
واهدينا .. واهدنا
.. واهدنا صراط
الحق .

وعلمني طريقي فين
واجعل شمسني عاليه
تنوزلي بنور الحق
والإيمان

واحكم قبضتي ف إيدي
وابعدني عن الخسران
ولا كنشي مع
الضالين
يا رب
أمين .

السرد السحر

ضحكة ..

على وش النهار

سكة سفر

وعيون تفتش في المدي

عن حلمها

وتقول :

أهات الخلق ..

كيف همس الشجر

فكّت رموز النقش من

فوق الحجر

قالت بلا حكمه .. ومن غير

فلسفه

يا كل ألوان البشر
من سفع أحزان
الحياة

.. ..

جاء التتر ..

جاء التتر ..

.. ..

غاضت مياه النهر ،

وانشق القمر

.. ..

الأم ضمت ولدها

وغراب بكأ .. لما انفطر

ودموع سواقي الألف عام

نزلت على خدود

الشجر

جف البكا

ما لقتش دمعته

تهز أشجان المطر

وعيون صحابي ودعت

كل التعوش

واستسلمت .

(عنتر) ..

في سيفه ما انكسر

لما لقاه

عاجز يصد الموت عن الريف

والحضر

عنتر .. مسافر في الأمل

فوق ظهر خيل أبيض

صهيله .. ندا

وخوفه حنون على

(عبلاه)

وجلمه دواه

- إذا اتحقق -

يعود للسكة فارسها

يهز الليل بجدرانه

ويجي بمهر (عبله) .. رغيف ،

وتكايه .. وضلة توت ..

وضحكاية .. وضمير

مرتاح .

آخر فصول الحلم
في بداية الرواية
يوم كلفوني ع الورق
استجدي منه قصتي
واستحضره في سجدتي
وأرسمه عقد وحلق
على صدر بنت الشيخ عيش
تعلقه ع المشربه
يوم ما ابوها يفتله
يصبح
رغيف
... ..

شَدُّو الطيُور اِيه فَرْقَه
سَاعَة نداء البياعين
على الوجع
ويبرأوا من كان
بسر المشنقه .. أصبح عليم
ساعة انحسار الظلم
في عز
الشقا

... ..

ميلت بحري اللي ف ضلوعي
في قلب موجي
فانتني سن الصواري
وانهزم جوه السكون
فضلت عايش سكتي
وبدون شراع
رسمت كفى ع الجنون
طلعت انا

ملمت خفى واترميت
كومة تعب .. جنب
الجدار
ساج فى بحرى
الى فى شطوطه الهممه
فضلت اصلى الصبح
وادعى ربنا
ملست عيونى وشوش بتلمع
جوه طاقه من البيان
خرجت سحالي
ترد فيها بشوق نفس
وعز يخرج لم يعود
دون معمه
امشير كانه المستجير
وبدون عطا
عند انسفاح العمر
فى عز اللقا

من فوق شطوط الضلمه
يحلم بالنما
والنظره فيه تخلق عدم
جوه العيون
بيقسموه على بعضهم
ويدوبوه ف هز
النفس

رُكبت كفتي المستجير
حبر وورق
وسبحت في بجور الإله
ورسمت بنت ف قلب دار
معلقه فوقها الخلق
فيه الجوال
محزماه .. هم
وقلق .

الصورة المحزنة

عرفني بسرّه .. ؟
الطين النازف
دمع حواري الوطن الراحل
في تباشير الصبح

الصورة المحزنة

نادتني عند طلوع الفجر
كل عيون المنتظرين
تقرا العناوين
مع أول ضوء الفجر
فوق أسطح عمارات الحي
الحاجبه عني
الضوء

...
لو هبت نسمة
بدون إنذار
أو حفرت خيل بجوافر
فوق أسفلت

محتاج تصريح
من أهل الجان
من سابع أرض خراب
وكتاب ..
من أهل الجان
وكتاب ..
من أعلى سحاب
يدينا الفتح
ويعلن ..

كل الخلق بيوم الوعد
أكيد حيكون

ويخش ف يوم
البيت الطين .. النور

... ..

من قبل ..

سواقي العمر تدور
من قبل قرار الطم
المستوحى

من عمر جسور

صلبت

ودعيت

عظمت في كفي

هلال الصبح رأيت

البيت الطين

معدود من أهل الناس

في بحوره نعيش في

هواه

ونصوم ..
ونصلى الفرض
سكونه مهوش معكوس
ونشيد فوق بنايات العمر
أساس
وانا فيه راح
اعيش

وان مد ..
فى بجره غياهب ليله
قمرنا ضياه
راح امد
- لعشق الحلم - نوافذ
لطلوع الفجر
وف قلب حنان الأرض
الطفل
البكر



ربيع العمر الجاي
بساتين
وأشيل عن كتفي سنين
وسنين

ما هو كتفي ..
ماعمره يميل م الشيل
وأنا دائماً كفي يشيل
التيل
يطلب من ضرة أرض النيل
مواويل للعشق
وللعاشقين

وأنا بأرحل جوه سواقي
الزمن الجاي
قناديل

وأنا ..

بارسم حكمة عمري

واقول للناس

الجار عطشان لصباح

الخير

من فم الجار

لو حتى ..

استعصى عليه الزرع

وعاش في الأرض البور

راح يجي عليه الدور

والنسمه ..

تهف ف حبل غسيل حواء

وما دام الجار للجار

فأكيد القصر ف يوم

راح يطلب م الذوار

كسر

الأسماء .

زي ..
كل ايام زمان
زي ما تفوت الدقائق
والساعات
زي اللي عدي واللي فات
واللي مش ممكن ف يوم ح يعود
زي اللي ..
مات ..
!!
بتمر
أيامنا .

ساعات ..

تكون باليسر

وكتير ساعاتها

عسر

أما أنا .. !!

فأنا .. والحاجات

مستنيين غريبًا على

باب

الرحيل .

.. ..

أنا ..

مش غنى ،

ولانيش فقير

ولا حظي - في الناس -

م السما

أخذ .. وأدى من
سكات
وقدّي ف الدنيا بسيط
ولانيش بعارك في الحياه
ولا أصلي فارس
ملحمة

على قد قدّي
من فئات الأرض يرضيني
الفتات
وأدور .. وألف
ف دايرة ملكت
م الثبات
واكثر ساعاتي
سنين باعيشها
بالوما

تتغير الأشياء
وتتبدّل سما
وتروح فصول ،
وفصول تعود
وأيام في عدّاد الحياة
بتفوت
سواقي المطر ..
بتروينا مع
الحواديت .
أما أنا ..
فأنا والحجّات
مستنيين غربا على باب
الرحيل .

وزي ما في الشّعْر شيب
في مفرق الطرق البعيدة الشيب ..
بلاد

وفي قلب أضلاع الأماكن
شابت الذكري
وشاب الحلم ، والتاريخ
وصاحي اللي على
حصان البداية منتظر .. ومفيش
ميعاد .

يجري الزمن ..
والزرع يدبل
والشموس تغرب
وتهرب
والليالي بتحاوطنا .. تاخذنا
نرحل ف الحنين
يصبح زماننا في الدواير لفلقات
لا يهمننا امبارح ولا بكرة
اللى جاي أو اللي
فات
أما أنا ..

فأنا والحجبات
مستنيين غربا على باب
الرحيل .

أنا ..
مش غنى ،
ولانيش فقير
ولا حظي - في الناس -
م السما
آخذ ..

وأدى من سكات
وقدّي ف الدنيا بسيط
ولانيش بعارك في الحياه
ولا أصلي فارس
ملحمة .

ترحل أُمى ..
ف كل ليالى العمر
تقييد فى كانون الصبح
والصبح أبويا ..
يروح ما
يجيش

.....

وتوافى الأيام الجايه
بحزمة عناقيد السبحه المطويه
فى أيد سيدنا
تالى القرآن ..
ومجود ف (ياسين)

مأنيه الجن ..
وهاده الإنسان
واكثر أيامه بيعمل منها ،
صنوع
للناس

... ..

أمى ..
تروح له فى ساعة
هب النفس

بضيق ..

بجالات من عصمة
أبويا
يرجع زى زمان ،
وتوسع رزقه
وتطرد منه النفس
المكروش

... ..

تسمع صوت الدبى
فى قلب الليل
فى صحن الدار .. ناحية دكة
نورج

فوقها ..
أبوا الليل بينام
وأنا .. وأولاد الحى
نمرجج فوقها الأطفال
الصبحيه
وتمد ايديها برده
خوف
وقطع مسافات التنفيس ،
تحت الراس

وتعود ..
بحاجات من كيد
الأمس
تفتح ورقه بطول المتر

وهي لا تعرف بدء الكلمة
ولا آخر
السطر

وتجيب الإبره ..
تخزق فيها لحد الفجر
وتقيد في كانون
الصبح
والصبح أبويا ، يروح
ما
يجيش .

important

المدن

الدراما:
الصراع

ريحة المدينة شياط
والريف نسيم وزهور
ريحتي أنا ..
وأنا ماشي في الشارع
عبيط

اتوه في ظني
واحفظ
التواريخ

ارسم ..
على الجدران
علامات التعجب

انفلت من حي للتاني ،
كحد السيف
ف يبصلي الحي بقرف
وكأني موشوم
بالجرب

ارفع ف حيلي
واستكين
واحضن مراجيح المدنة
شمال يمين ..
ويمين شمال ..
ويًا بندول الساعات ،
لا الليل يعدى
ولا النهار / الضي ..
آت .
كل الكتب تفراني ماضي
عليم

.....
وفي المدن
شاطئ لئيم اسمه الرصيف
يستقبل الغربا
ويوعدهم بضل الصمت
في الليل اللي مات
بين الضجيج
والخمارات
والليل غطيس
والنوم فطيس
والحلم فوق سطح الوجود
معلوم يفتش ع اللي فات
على نور قمر
يفضح سكات الحي
والأموات
ويدور يعد ف سبخته
أيامه هيه غنوته

تسبيحه في الليل
والنهار
أغانيه ومواله الكبير
إن المدينة في حضنها
تضم اللي ..
واقف من سنين على
بابها
مستنظر
قرار .

يوم ميلادي
يومها جيت للدنيا .. عادي
متفتحش باب في
عكا

عكا كانت في بلادي
وكان بلاد الناس في عكا
كنا خطوه نكون
في مكا
لا تذاكر
لا حدود .. أو
مسؤوليه

كل أهلى وكل ناسى
يندهولى
كنت أشوفهم .. وش هادى
كان يدوب مشروع لدنيا
ابتديها بالسؤال

أحنا جينا الدنيا ليه
جينا لأجل الناس تزيد
ولا جينا نكون عبيد
سلسلونا م الوريد

كنت فاهم ..
لما أجي كنت الأقى
الدنيا
دنيا
ابتديها زى
غنوه

فوق شفايف بنت

حلوه

التقيها ف أي حاره

زى قصه ما أبتدئش

امشى بكره وبعد بكره

زى موج البحر تهرب

زى نسمه ،

زى قسمه

.. :.

كنت ..

فاهم لما اشرف

بعد شرح وليل طويل

بعد همس ..

وبعد غمز

وبعد لمسه شوق

من المرحوم

بيايه

وبعد هنه ..
وبعد لا
وبعد زقه من المصون
ممايه

والنجوم ..
تضحك عرايه
والسما فاردہ
الملايه

والمرايه شقلبوها
حطو صورتي وعلقوها
ورحت
نازل

... ..

ما لتفتشي معايه حد
كنت فاکر لما آجي ،
الدنيا راح تفتح بيبانها

والجميع يهس يخرس
يسمعوا منها بيانها
انى جيت

يفسحوا ليه طريق
لأجل أكون زند لبرئ
ولا انجد يوم
غريق

كنت فاكر انى وحدي
حأبتديها بيتسامه
ويوم مأمشى
ع الطريق راح اسيب
علامه

انى جيت
انى من هذا المكان ف يوم
مشيت

قلت أكون زى الفئار
زى ضوء الفجر يطلع
بالعمار
لسه فاكر ..
كان يدوب مشروع لدنيا
ابتديها بالسؤال
أحنا جينا الدنيا
ليه ؟!

من ضحكة الفجر الندي
اللى على وش الغيطان
لفلفت توبي الندي
وسبحت في أرض الخيال
أهـى رحله تكون شاقه
تكون هينه
لأهل المغنى
والموال

وجاي ماشى
وحلمي التمن مقبوض
خيمه على ربوه عاليه

ملفلفه بالضى
وجاي طالب شرف قولى
يا رب أكون أنا وافي
وزاد كيلى
وجاي مخصوص
وعضمي من هم الألم ممصوص
وادينى دمعته على قلبى
وقلبى باعته فى بريدي
فيا أهل الدار
ويا أهل المغنى والموال
إذا كنتم توافونى
تقولوا أدخل
حامد أقدامى وأسلم
واحكيلكم حكاياتى
تقولوا امشى
فى ضلة بيت وافيه الضى
ح ميل حبه واستنى

لحد إنا توافوني
نقعد سوى نكمل
دانا في قلبي سهرابه
بداية حب منسيه
كاتبها شوقي هوايا
عاشها ليالي عشريه
عسى الله إن قلت أعجبكم
وعسى الله أكون أنا منكم
فيا أهل الدار
ويا أهل الضي والقمره
أدى أقدامى في طرف الباب
تقولوا ادخل
راح ادخل والقدم حافي
وتحت بطاطي مداساتي
تقولوا امشى
أنا حامشى
وبس أرجو عشان امشى

ابوس الحد واسلم
اصل أنا مشتاق
وده آخر جواباتی

أنا ..
لأنا مسافر مفارق أحباب
ولا جأى من سفر مليش مطرح
أنا وطن
كما للشعوب أوطان
وللأوطان شعوب
تغيب وترجع تلقّيه .. يغضب ويفرح
باقى على الطرح
أنا وطن ، كما للشعوب أوطان
تحضنه تضمه
ان جار عليه الزمان
وبعتره تلمه

الابن لو حبيب ، الوطن يناديه
ساعة الصفا يحضنه
بالحب يعود ينجيه
وان داس غريب الوطن
الشعب يتفجر دانات تصد الخطر
فوق العدو تدمر
يامه الوطن بيشيل ويشيل كمان اكر
لما يكون العدو فوق الوطن اخطر
أنا وطن
فاتح العدو بابه
أعلن حضوره.. وحضورى
ماضى على غيابه
يقلب ويشطب فى دفتر المواليد
وايه اللي باقى دأنا ..
باحلم اكون وطن من تانى
باحلم اكون وكيف
ما يفض الحلم أسرار

مشتاق اشتياق بستان لآزهاره
مع انى رنيت الحلم بالمقلوب
حر لآكن العدو
ساكن معاه ف داره
أنا وطن ما بين حضور و غياب
ما بين صحاب وأغراب
عائش حدود صبري
بالتقى الأحلام
أعيد خريطة الوطن
بقبضة الأحجار
ما تسألوش اسمي وعنواني
اسمي على يافطه
وطن للبيع
والشرط فى المطلوب
ان الوطن فاضى
من شعب حر أصيل
واللى يكون بنكير

ولا من الأعيان
يحضر ويتقدم
يدخل المزايدات
رسم المزارد دولارات
ولا يدخلهشي بنخيل
ولا بد انه يكون
حارب وباعه طويل
والشعب يبكي يقول
مين اللي عليه الدور
ونقره في الإعلان
عن وطن للبيع
وأبكي واقول ياهلنتري
حيكون المزارد علني
والجلسه علنيه
ولأ يخوف في تكون الجلسه عشريه
في بيع وطن
اسمه ... !!

حدوة حصان
وكعب جزمة طفل مجاش على ولاده
وحته من نهار معدى على خرابه
وكذبين فى صرة قماش إبليس
ونيشان داعر
وتراب من تحت أقدام شيطان بلا ريس
ويتبخروا برمش عكروت
ويتعلقوا على بابك
وان مجاش الرزق راح يجى الخراب
وان مجاش الصدق راح يجى الغراب
وان تصلى صلى نحو العروبه
وقيد شموع وسط الرياح

وانتظر تدخل الغاريت
الرزق بين ايديهم رزق من حافر فرس
لا ينفعك ولا ينفع ولادك
واللي جاي حيولى
فهمت يامتولى
فهمت ما فهمتنيش ما يهمنيش
مادام نهارك فشوش ورزقك طناش
ساكن أعالي القصور ، وان توصله
اضرب حياتك فى حماك الف جزمه
حتلاقى رزق الميانجه
قد رزقك ستميت مره
روح اشتغل عند فروجه
آخر النهار نقبك يطلع على شونه
تطلع وفى ايدك وحده عرقوبه
تشطب اسمك من دفتر المواليه
لا تفكر فى رزقك ، ولا فى ولادك
ولا فى الدكاكين

وكأني شباك تذاكر
بأعطي لكل مسافر تذكرة
يبص في وشي وينصرف
يرحل .. يفوتلى ملمحه
استلمحه .. ما استملحوش
لكنى .. مع كل وش من الوشوش
له في بالى ذكريات
اندهه .. ما اندهوش
اتذكره .. ما اتذكروش
مع كل مسقط شمس يطل ما انكروش
تاخذنى ندهة العشاق
يمكن اعتزاز بفراق
يمكن في عتمة الليل تتولد أشواق

نخلط الامكان في اللامكان
يهرب من الوجود .. لوجود
من الحدود ... لحدود
ويخصني بلمحه ، بلا نظره مستوره
ويهزني في ساعه مأسوره
بين وشى وعيونه
يفتح أبوابي ويخلابني
تنزف الريح على بابي
تجدد الجراح بجراح
مع كل وش من الصحاب
جواه عذاب .. براه عتاب
وما اعرفش وأنا واقف لو وش غاب
وانطوت صفحه من كتاب
عنواني ما القهوش ، واسمي ما اكتبوش
وأكون .. كما شباك تذاكر
أعطى لكل مسافر تذكيره
يبص في وشى وينصرف .

يمكن ..
عشان عنيد ، ومش حويط
وما املكشى مفاتيح
تفتح ببيان البشر م الخلف
وتوصلنى لنهاية الممشى ، التقى الجئه
معرفش إن الكلام ، له وش وله ضهر
ساعات ينفرد تسافر عليه
وكثير يكش ، ويكون شحيح
نص محصوله بكش .. ونصه عبيط
على قلب أعصابى .. سليط
معرفش إن البشر إنسان صريح
وإنسان غويط

وإنا ما بين ده وده .. إنسان عبيط
لا يأخذ ، ولا يأدى
وبين ده وده .. تلتقي ردى
يا أه .. يا لأ
يمكن .. ويمكن كثير لكنى فى نهاية الرحله
عصمتى فى ايدى افهم .. ما تفهمشى
متعود عليه
لا تقولى امشى ، ولا اقولك لأيه
القدره غلابه ، والحياه قلابه
وأنا لا شمس ، ولا ضلّة سحابه .
ولا كدبه ماشيه ، ولا حلم فى كتابه
وبعد انتهاء الكلام ، انخبت .. نوبت
صليت العصر فى السبعين
سنين بلا اراده
تيجى وترحل كما الريح
وأمشير على الأبواب
وأنا مستنى

ويدخل البحر وسط الكلام
تتبدل الصورة
وتدخل المدن
متسلسلة بإيديين العبيد مأسورة
وادخل أنا بكره الجاي
من شاطئ لنيم
فوق سحابه هاجه
من صحارى العفونه
كاره رياح الانصياح
هابط فوق مساحه بلا شاطئ
يدينى الأمان
أصادق الوعد فى كل البشر وقت الصلاه

... ..

يزوق الممشى الخليفه
ويشهد انى أنا الفارس
وانى حدوده بلا وعد
تأخذنى هدأة الخطى
احلم بأنى أنا فارد دراعانى
وقبل ما أكون إنسان
اشرب من مياه الحياه علمي
ومن السما انشراخ صوتي
ومن الألف باء قضاء أمرى
ومن الإيمان صمودي
على حافة الهاويه

... ..

ويدخل البحر وسط الكلام
تتبدل الصورة ، وتدخل المدن متسلسله
بايديين العبيد مأسوره
وادخل أنا

فوق كتافي الهموم منشوره
وكل أحلامي مسكونه
ولا تفيد السنين الكساله
فى صحبة براءة العشره

... ..

ميلت على سوق الوطن .. رجعت بالتهمة
وكل ما يهب النسيم
تعتلى أمره زعبوبة رياح
تكتنني حق التنازل
أكون فى وضع المستجير
من امتداد الوصى
على ضلى أكون حمزاوي
شيل الهموم على كتافي خلاني
أصادق ناس وأنا مخنى
اعلنها النزول للساحه ..
ترجعنى الايادى البليده
ترمينى لقلب الضلام مجنون

على شاطئ الانصباع
والموت على أوراق الشجر
يحولني ، إشارات مرور
ارتجف من البقله فى الشوارع
اختفى فى ضله سكاني
ما أنا فاتح القلب
كاتب عليه الانحاء
ومسطر وثيقة الزمان ، لأيامى تهزمنى
والشمس مجروحه فوق كتافى
من جروحي
اعتلى واستكين
وابطل أقول أنا مين
ويدخل البحر وسط الكلام
تتبدل الصورة
وتدخل المدن
متسلسله بايديين العبيد
مأسوره .

الشفق
مأدد ايديه فى مياه النيل
يبتوضى
ويسرسب الغروب من نهار عدًا
ترمخ خيول الضلام
تخفق القناديل
يعتلى سطوح المنازل
ويراقب السكّه
وأنا جيوبى ملا نا بالحواديت
وهربوا الصحاب
أبخلق فى انتظار النجوم
تظهر نجمه مخفيه
فى دخانة الكوانين

والعشا على الأبواب
والعشا عابر سبيل
واخواتي فرسان سبق
بيرشقوا اللقمة في الزور الخراب
تبان تكشيرة الصحون
تنزل التكشيره من عيونهم
تغطي صدر أُمي
الناابت فوق قميص بدون غطا
ونهود مشتاقه البراح
تستلف خطوتي
من خلف متاريس القبور
كتكوتين في عيونها
بيفتحو النوار
وف رمشها الهزار
لأبويا واستغفار
ونظره مستحيه
من بند سوق الخضار

حلم مش فده
عشر قروش فى بيتنا ينصبوا الزينه
ويولعوا الفوانيس
ويرجعوا أمى لابويا عروسه لعريس
وتعلم الحاره الاحترام
والمرجو من الطافه
عشر قروش
وفى المطال قرشين ونكله
واتنين ملیم فكه
وتعويذه .. وأیه الكرسي
تبعد العين ، وتطرد الشياطين
يتمد ط و ل بكره
فى صحارى البيت
مارد ط و ي ل
اسرح فى أحلامه
السوق عليه العوض
عشمني بجلاوة العيدان

ومربوط فى رحابها
تبسم أمى وزى متكون على وعد
مرسوم على كفوفها
شهاده مدبره حالها
تتنهد بطول براح الدار
يهرب الليل من غفوة عيونها
يبريش الصباح بعنيه
وأنا لسه تحت اللحاف
مستني حلاوة العيدان
تفرش على سريري
ملايه حب وحنئه
وعلى جبينى ، حب مستديم
تزغزغ أقدامى ، تطمئنى
استقبل نهار جديد
وف حجرى
حلاوة العيدان
الجايه من البندر

قاللى أبوياء زمان
الدنيا لو تغضب تكون مره
ولو تفرح
يطل القمر جناحين بمسره
وخطوتين ع الأرض
تكتسب خبره
ودندن وغاب
وشعرت أنى بلا قدمين
وهوه بين غيطان الفول
سمافور .. بيشاور على السكه
يحكى حكاية الرحله
وبواعد الأصحاب
والشمس نازله بدموعها

على الأعتاب
وأبويا في الشرق
أبويا في الغرب
أبويا في قرّة عيون القمر
وكان هنا ، وكان هنا
وكان تقيس السما دراعاته
ومغزلين بصباحه
يبعثروا الحلم فوق الصحرا
ناده - انشرخ صوته
ردة الأحلام خضره
اتمدت ايديه
اعتلى أمره
اتشعبط على السكّه
سارت معاه الليالي برج مايل
انتمى للزمان الحر
وسار .. نشن في التاريخ
ورديه ... ورا ورديه

يذكرني مع الدراويش
ويحاسب على نهار عابر
ملهش فيه حساب
والجد في عيونه
فارد نهاره براح
أبويا كان إنسان
في خضرة الغيطان
وفي ارتفاع الوطن
وفي سكة عيون جاييه الصباح
وفي حكاية فارس هزه النسيم
بالنصر

.....

أبويا حدوده
في كل حواديت الحياه
عشان أنا ابنه
وما ذال الوطن
بيجيب سيرته

.....
يشوف الأمس عكازين
يسندوا الغيمه
ويكرهني إذا صليت
لغير الضي
وكاتب ربع الوطن
لضحكته السرسوبه
وعمر الحي
لنظرته المحبوه
ويشتم الكذب في ودانه
ويعشق البكري
في النساء وفي الصحبان
وكان وكان ولد شاطر
قد كل الحمول
لانه كان أبويه

من زهرة الورد اللطيفة فى خرافات المعاني
تغرق الورد الجميله فى سبابات الصواني
بنين حوارات الاغاني يعرفوها يلهموها
تبقي جايزه بلا وانى موج يودى . كله فاني
لو يقرب . او ياعد وشوشات الريح طوفاني
ابرقين ع الشط يكفوا يغسلوا كل الاواني
واللى نايم فى الاناني حزموه . ورقصوه
وسقفولوا وهزوا وسطه كل اهل الحى جيرانى
علقولاه فى كتفه قصطه
قعده على علم بسطه
أصله كان يباع سماني

شال على راسه الصواني
دار على باب الزواني
باع عيارات الغواني
اصله كان بيع ملانه
يركب الموجه بامانه
يعرف الب نكير فلانه
فوق رموشها فيه علامه
لو تشوفها.. وتكتشفها
تبقى فارس لك عشانا
وان خزيبت من فرش بيتها
تبقى محتاج للصيانه
والمعارف والعلم والمفهومه
ففى مقام الشيخ شيبانه

الأغنية الأولى
تسليم لموازين
المربع

بيّاعه فى سوق الخضار .. بايعه الطماطم بالدولار
م الهوا وعشق الهزار ، الكل بيها يتشفع

.....

د الحب عشقه الفرشه ، والضحك شرطه التنعشه
وتقول سلام دنيا الخشه ، دانا الملاعبه والدلع

.....

لابسه الذهب مكتوب عليه ، على صدرها تسلم ايديه
ظابط مقاسه ع الكوليه ، فنان ويفهم فى البدع

.....

الخصر ميل ميل ومال ، على الرفوف زاده الجمال
الخطوه تصبح رأس مال ، فى البحور غرق الجذع

.....

رمشها مضروب بكام .. خصرها يعزف سلام
خدها بيض الحمام .. صدرها ضرب الودع

.....

من هنا لآخر الانطه
تكتب الأحلام فى شـنطه
تشقط العالم فى غلطه ترسى فوق مركب شبع

.....

الرموش لها ناس سماسره ، والعيون لها الف سفره
تعزمك وتقول مسافره الوصال بنا اتقطع

.....

شدوا بيها الناس رجال .. كارتها يفتح محال
دمعها يجيب الوئال .. قلبها فيه الطمع

.....

الآلاف محطوط في كيس ، عارفه أن الناس فلوس
بيها ترسم ع التيوس ، اللي انشكح واللي ركع
.....

اسمها دون الاسامي ، تسمعه متقلشى ياني
قلبها يسرق حرامي .. ضربها يشفى الوجع
.....

حسها زى الأغاني .. حظها جايب الأمانى
حبها هو اللي فاني .. صيتها فى الدنيا تسمع
... : ...

لما قالوا الناس عليها .. أمثل ما بين ايديها
دالجميع يفهم لغاها .. فى البنوك غيرك دفع
.....

قلت دنيا بالملقوب ، صبح الأديب هو المركوب
والست شوشو أم العرقوب ، تحكم وفينا بتضبح
.....

تحكم وتفتح في الأبواب ، وكل باب راح يفتح باب
من هندسه لبتاع حساب ، الكل ختمه ومتشمع

.....

مسكين يا بيرم وأه يا نديم
مسكين يا كل فتان وعظم

.....

عشتونا في زمن المظالم
واحننا نعيش زمن مضج

.....

مجددین الحوال

الحسبه فی کفی من بدري معروفه
احسبها تدینی روشته موصوفه
الأصل لو خمسہ فی الکف راح تمسا
الصبيح تدینی عشرايه ملفوفه
حتقولي اصرفها أو حد يعرفها
حقول علی عینی دی حکایه معروفه
کانت علی القهوه فی ساعه منحوسه
طب البوليس خدها فی تهمه مدسوسه
وهی من بدري فی الخزنه مدفوسه
فی وسط اخوانها نایمه مرصوصه
النومه تهنأها أشوف أنا غیرها

تكمّل الميه ، ايه يعنى ؟ قال ميه
يا عم قول ميات بالحضن والبوسه
راح تكمل الالفات
مجنون .. اننا مجنون
لو كنت اقول مليون ويعرفوا السكه
وتبقى فيه ملايين ، والكل فى الخزنه
يات كده مسجون ، ربك يكون فى العون
الصبر ع التحويش محتاج لقلب حنون
ياخد ولا يدّيش زى القدر فى الكون
الكل عندي بعيش وغيره يبقى مالوش
ويقولوا قال كنزى كنزى بس اعيش

الأحوال الدينية

رمضان علينا هل وشهور كثير بتفوت
ولا يوم رغيفنا قل ولا اشتبهنا القوت
اشمعنا ليه رمضان ماسك لنا التبت
عايز تكون طقته ياتلتميت هلفوت
يا ما نصبح سوى فى خناق ودب الصوت
وتقول مراتى هات هات لنا بالميات

وبالعشرات ما عدشى تكون
قلتها بس منين الرب يكون فى العون
قاللى روح اسئلف قلناها اكون مجنون
اخرتها يختم قفانا يختم كله ديون
عشان سياته حدانا شرف بقلب حنون

يأُم العيال أفهمي رمضان على قدّه
مش كل شيء اتبنا في لحظة بنهده
نرجع نلوم الزمن ونُدوس على خده
واصل الخراب منّا وهبلة النسوان
يسبق دموع خدها كلام مانيش راده
قالت د سوء بختها جوزني من عبده

قلت لها تقسم سوي بالعقل مش ترتيل
أدى الفلوس كلها والشهر باعه طويل
قالتلى زمزم فلوسك واركب عليها الخيل
وبص من تحتها تلقى الجنيه ده قليل
السوق زمانه جبر وانت بخيل وعويل

جريت على أهلها رحلت بالمشوار
القصد اشرح لهم لقيت هناك جزار
واقف بيردح لهم ويقول لهم ع الطار
فين الفلوس يا عجر يا جملة الأشرار

يأمرع المذممه تتباعدوا بالقنطار

قتلها عاجبك كده يأم العيال فوق
رمضان مهوش بعزقه وتدوسي من فوق

لمت بقيت عفشها ورجعنا حب وشوق
اصل الخنان فرشها والليل طواه شروق

انتظار

[فى فيلم " الراقصة والسياسي " ،
كانت بطله الفيلم فى سيارة سيادة
المدير العام لقضاء سفرة ، وعطلت
السيارة المروور فكانت هذه القصيدة]

باقى على عمر البشر

سبعين سنه

ملا بيتدوا ويعرفوا

إن الحياة ملحة رضى

وحب من غير تمن

وشمس ملفوفه فى نهار

وحته من كبد السما

مكتوب عليها , كلمة بشر

باقى على عمر البشر سبعين سنه

... ..

كنت أنا وأنا واقف على الرصيف

حاطت حكمتى

على ناصية الحلم القديم
كنت واقف شبه صورته معلقه
في برواز نهايته يوم كده الشقا
وانتهى الحلم فوق سور الحقيقة
وكنت أنا بطل التاريخ
أو كنت أشبه بأبطال الخيال
في حوادث العيال
كنت واقف في انتظار
اني اخطى من عرض الطريق
من رصيف لرصيف
والبشر بيهزوا في نهاية عمر عدًا
مندهش - م الانتظار بدون مرور
كنت في حكايات الكبار وأخبار الخليفة
بشرط الوفا ودين الأقويا
كنت واقف في انتظار
وقت ان امر .. او وقت مر ينتهى
بعد آخر حديث الشاكرين

عن خبر فضل الحياه
ونتابع من بعيد إشارات المرور
وشاويش المرور
وضباط المرور ينحنوا
لما يمر القانون ، ويمر النسيم
ينقل ارتعاشات العيون ، وخوف البدن
لحظة وجود الخلق في بحر القلق
أشرف على موت المدن
أو موت الساعات
أو موت المصير المنتظر
.....
يا عمر جاب ع السؤال
أمتي السماح
يا ابن نيل الوطن
يا ابن الهرم ، أمتي السماح
قالتها أم
مسكونة باختلاف الرؤى

بعد طول الانتظار
اشعل بقاياه الكبد
وانهزم فيها الأمان
في حضن أطفالها الصغار
ومال السكون
كان اسمي تمثال للساعات
ببرشقوه بالخوف
وهو ببرشق الزمن
وببرشق الوجود بالأسئلة

.....

أمي ، أبي ، إخوتي الكثر
ادوني حبه من ضمير انتها
من خلف ظهر القانون
طلت عيون
فيها من رعب استكان
من عهد الطغاه
قالتلي يعني

أهس ، أسكت ، أنكتم
أفرش عيوني على إسفلت الطريق
لحين الطواف .. وأنا أيه أكون
أهمس فى عبور النسيم
ياخذ ويدي ملمحي
والصمت أشر دفتره
نبت الخوف ع البدن
والابتسام
أشبه بفرخين حمام
مربطين وسط الرياح
كل واحد - يحب يطير فى اتجاه
أمى - أبى - إخوتى الكتار
امتى يكون الانتظار له ميعاد
دايس علينا وقت وفر
وتهمنى
إنى أخطى من رصيف - لرصيف
ومر القانون

انتفا صوتى وسط السكون
واسمى اتفككت حروفه
تحت أقدام الشاويش بدون حساب
وبدون ما يعرف ملمحي
والخزن سادد الطريق
ضيع اسماء الحواري
والشوارع والمدن
لما انخبت
انخى ملمحي وسط الرياح
ويحنت عن ملمح أخير اسمه القانون
كان المرور
اشر لنا بالعبور
بعد ما عرفنا اللي عابر
سهرابه ، للبيه المدير
ضيعت عمر البشر
فى انتظار ، نخطى
من رصيف لرصيف

من يوم أن ربك قالك قول
وقلت (قل أعوذ برب الفلق)
واخنا وراك بنقول
لا عرفنا معنى الغزل ، ولا قتل النول
وظلعنا الكام مليون
شيء مش مسؤل .. زى النخل العصيان
لا تعشش فوقها طيور
ولا تدى آخر العام المحصول
وف وقت الجد ، تطل عيوننا - م الحول للحول
وتزغلل فى المصحف وتقره (قل أعوذ برب الفلق)
واخنا لا بنفهم ، ولا ان الصبح انطلق
ولا عشنا السكّه لفين وان كان فى الكون أشرار
شر الإنسان أكثر ، من قطع النوار

ودوسة قدمي ع الأزهار
وان كنا على عود القمح بنجري
وانزاحم بعض ده رزقك .. وده رزقي
وقت ما كنا بنسقى ، تظهر عجزك واطهر عجزى
واندق على أبواب الغير
نطلب حسنات القوت
وعلينا من تحت الاعتاب نفوت
ونوطى.. نطاطى .. نخطى
نطلب منه صنع الحال

.....

احمد ربك على انك فى يوماتى بتردم أحلامك
وانلاقى قدامك احلام من تانى
مع انك لانت المهزوم ولا كنت الجانى
وبتلعن فى زمانك وزمانى
وتخطى عليك الأيام
شايل همك فى حزامك
ماشى فى طريقك

يا جرن النجوم في المدينة يحلمو الشغيلة
ندهت الصحيان على قد مد البصر شفتك
بتودعي الأحباب وتستقبلي الأحران
في برد ليل الشتاء والجوع ما بين نياح الغول
لا أننى كنتى الهزيمة ولا احنا شهود عيان

... ..

من حق مين يغيروا اسمك
من حق مين يبدلوا رسمك
من حق مين يضيعوا الملمح .. تفصيل على قده

... ..

في غبشة عيون المساء تدلى
وسط الحرام والخوف ونظرة التأويل
احفظى سرك واكتبى على كل المذن

عار الزمان إنسان صابه الخرس والجوع
قلبي الضعيف المسامح ما خلاني احفض حروف اسمك

.....

الخرن يخلاني ، يجعل بياني ، على كل اتساع مفتوحه
وشمستي مفضوحه .. متهوم بالكذاع
والامتناع عن الشرع ، وانتهاك الأمانة
وأنا .. لا صليت في محراب ، ولا عليت في الجواب
أنا على فرشتي بواب
في انتظار ، لحظة صلاه ، الأذان ..

.....

والباب لو فتح
وداس الغريب الوطن
يبقى الدخول بلا حساب ، والخروج بلا حساب
والطفل بلا انتساب
البره يصبح جوه ، والسر يصبح بره
واتوه وشوش الصحاب ، في ملامح الأغراب
وأنا وانت في أمل كذاب

... ..
ولا يبقى للوطن خطه موضوعه
ولا كلمه مسموعه
ولا يكتشى غير فى لحظه متخضوعه
فى حصار النفس او فى حصار لحظه مصنوعه
لا تعرف بدايه ولا توعده نهايه
ولا أنا ولا أنت ، نكون على درايه
بوعده قفل الباب
... ..

وتبقى الأرض ندابة ، والكلمة كدابة
والناس عن اللي راح ، وع اللي جاى
فى حيره غلابه ، والحسره جوه النفس
لا تخلف .. خلاف القهر
وتبقى النفس بلا إرادته
وتتغرب .. وتتسرب
وأنت عليك رد الجواب
لا ترى وطن ، ولا تشوف صحاب

ولا لك في الحياه حسبه
ولا تكون في مبارزه
ولا وارث
ولا سايب أساس
والغروب حاجز بين الوطن والناس
والطريق لا في أوله عيون
ولا في نهايته راس
ولا له سيد ، ولا ينتشى بحراس
وخوفي أنا وانت
أشبه لحظه صلاه
واخنا بنتجه لحضن الاله
.....
وينزل الوطن من عنتریات
الصعود على سلم الخدم
لساحة يزيد
يبني للحكام سور جديد
من جماجم البشر

هَلَّةُ فَجْر

[مهداء إلى الأديب محمد عبد الله الهادي
بمناسبة فوزه بالجائزة الأولى في مسابقة
القصة القصيرة في الاحتفال باليوبيل
الفضي لنصر أكتوبر]

صعب الكلام في حضرة السادة
صعب الكلام في ناس بسيادة
بتلملم الصبح وتوفى الحلم في أكتوبر
وتعيش نسيم الحب في بلادي
مع هلة الفجر الضي في اسمه
محمد الهادي
صعب الكلام ، والقول معاه انذل
أصبح كما القنديل
الضي فيه اختل ، والعهد فينا ندا يخلابي
ويفوتني ، بين النداء والطل
بأندر أشوف الزمن راجع بامجاده
بأندر أشوف الوطن جابلي بأحفاده

بابدر وأنا ماشى التفت شمال ويمين
الشمس تشرق من بعيد ، وتنادى

محمد الهادي

لا انت سيد ، ولا عبد كان جواك
ولا انت في السكك شاطر ، ولا حد كان رساك
ولا كنت لئن ، ولا حد كان قسأك
همّة براح خطوتك ، هي كل مرساك
وفتحت باب ورا باب وسط الهجير والطل
قلبك فرشته للفقير بالضل ، وللصاحب لبلاب
وف وعر الطريق ملمت م الحروف اسمك وعنوانك
الفرحه هزنتى
اشهد وأنا ماشى .. شايلى فرحة البساتين
من فوق شفايف الورد ، متحضنه خطوتك
من نجاح لنجاح .. من أمام لأمام
في قلبنا بالحب

بكائية آخر العاشقين

[إلى الشهيد حمدي البكري سرحان الذي رحل وهو

يلقي الشعر في احتفالية من أجل الانتفاضة

الفلسطينية]

حطّوا فوق الراية اسم الشهيد
اكتبوه بدم الجراح
أصله مش راحل بعيد
حيغود ويا الصباح
حطّوا فوق الجرح علم بلادي
أصله كان سهران عليه
خايف عليه من الأعداى
والنهار مرفوع بأيديه
شفته في جراحه بيدأوى
الوطن من جرحه اللي فيه
جرح الوطن عنده اعز
وجراحه تهون عليه

سايلى صورته
وهوه مش ويايا
مع انه عايش ملو ارضى وسمايا
سايلى عمره ، وبيننا ياما أعمار
نروى في شجرها ، ونفتح النوار
الصبر كذب الحقيقه ، ومراكب التايهين
اخنا اللي فارقنا ، ولا هوّه مفارق مين ؟
كنت فاكر حلمنا يتمد
وان الزمان اللي راح يترد
كنت فاكر يصون العهد
واخنا معاه نكمل المشوار
فتفوتة الضحكه اللي وقعت ، ساعة الموت
صايبها الخرس .. وبعوده يا حرّاس
يا راكبين الفرس ، اللين أتاه
واخنا اللي شلنا أساه .. ما تفرحوش
الراحل لابد يعود ، يطلق منا مكو

ويحرمكوا من النّس .. وبعوده يا حرّاس

... ..

لا بقدر أبكى الصّحاب

ولا بقدر أبكى ناسي

يبكى عليه الوطن ، أهله وحراسه

... ..

يا صفحه مكتوبه

بشرف وجلال

وأنت بتقول كلمتك

كان أشبه بلال

واخنا مخناش الصّحابه

لما اتنتورت حروف الكتابه

شفت الوطن في عنيك

ضامه في أحضانك

كأنك أنت الأب

وهوّه من عيالك

... ..

حتى في رحيلك
واخذ مطارحنا
لساك بتجري وتنده وترشد
وتعل في مطارحنا
من فين مانمشي نلاقك
حاجز مطارحنا

.....

كل القضا زايدين
والمتهم خالد
لاتعاهد مع السلاطين
ولا قلبه كان جاحد
يا شرف يا نبع الحلال
راح نمشي على خطوتك
ونمد ونجاهد

.....

صوته ناداني
قمت صليت له

قالى فاكرا
حمل الطن على كئافى
مع انى حافى
لاكئى حاسس فوق كئافى لحاف
قلت مش ناكرا

.. . . .

خلى فؤاىى العجوز
عائش سلىل السبائىه
والظلم ولا وراى
وناسى اللى عشقونى
اىئل بئىهم مئزانى
ومئى غئر ك حئىئىنى
فى هلب الئزن شائل..
مشاعلك وراىل
وجعلت فوق المنابر
السئن والسئانة
ئرفعوا الرائىه

وآخر فصول الروايه
راحل وفايتنا

.....

ده قبر ولا هوه زنزانه
ولا فتوه من القاضي
ليه واخدينك على خوانه
ما أصعبك يا زماني
ترحل ما ترحل ولادك
عهد في كياني
إني ما أبيع الوطن
ولا مرّه أعيش خوآن
واعلم الدنيا اسمك
واسهر على رسمك
عشان للوطن
متكنش
آخر العاشقين

لفين رايح ؟

[إلى الصديق الشاعر عصام بدوى الذي رحل بعد

أسابيع قليلة من رحيل المرحوم هادي البكري سرحان]

راكب بحر الشعر ومهاجر
لفين رايح
ناسي ليا لينا على أعتابك
وحلم متأجل لأصحابك
وضحكك فوق التاريخ مكتوبه
تعلم الزمن اللي فات عنادك
وحتى لحن من غنوه ما كملتش
وأهه صمت ما طلعتش
ولفين رايح
سايلى أيامك على اعتابى
واجنده فيها اشعارك تحاسبنى
وع الجلده
الاسم والعنوان

(عصام الدين بدوي)
من طريق الأمس لحضور الآتي
في كل ميعاد نلتفك
تحكي حكايتنا
وفوق اللسان عمى جمعه
بتاع اللبان
يسأل عن غيابك
وأنت اللي كان ضحكك
تزرع الصبار
وتعشق الأزهار
وقلبك كما المندره البحري
تأخذنا في أحضانك
صايج مغنى على لساني.. أشعارك
ولفين رايح ؟
وبحرك كل شطآنه أحزاني
ساييلي بقايا أحلامك
وفائيتني وحداني

أبيع الوهم في أشعارك
الآقى الامى مكتوبه على قدري
ما بين شهر والثاني راحل الأول
وبعده الثاني
يا ظلمة أيامى
كاسرين الصباح وفايتنى فردانى
احلم بفتح الشباك
يطل منها وش ما اسألوش
راكب بحور الشعر ومهاجر .. لفين رايح

... ..

لا حاضر ولا غايب
لا ظاهر... ولا خافى
وأنت اللي كان منك اوصافى
وأنت اللي كان حلمك على كتافى
وأنت اللي كان دنياك
على خطوتك موصولة
وكلمتك مسنولة

ومعدي م الضلام للنور
وتداوى الجراح بجراح
وفائتني فرداني
جاي من سفر رايح موت
جاي من موت ورايح سفر
كنتوا متواعدين واحد ورا الثاني
من كتر أشواقكم للفراق
نسيتوا حلم الوطن
وانتوا الأطباء ودواه

... ..

مين اللي قال للدنيا متغيشي
اتنين شهدا في قطر مايمشيشي
تبكي السما وتنزل م الحروف تناويح
متبعتره .. تاياها ، وانا بسألك.....
لفين رايح .. وأنت ولا تجاوب
واخذ همتك ، ونص لقمتك
في زوري وفائتني .. ولفين رايح ؟ ..

الشاعر احمد الخولي
عضو نادي ادب فاقوس
عضو جمعية رح الادبي
عضو اتحاد كتّاب مصر

صدر للشاعر :

- 1 - ديوان "مراكب خوف" - الهيئة العامة للكتاب 1994م
- 2 - ديوان "وشوش جابت النهار" - الهيئة العامة لقصور الثقافة 2001م
- 3 - ديوان "حكايات من زمن السكات" على نفقة المؤلف 2005 م
- 4 - "ليالي تسالي" (مسرحية شعريّة) على نفقة المؤلف 2005 م
- 5 - ديوان "على باب الرحيل" - بالتعاون بين محافظت الشرفيّة وثقافت الشرفيّة 2006 م .

قيد الطبع :

- 1 - بستان الكوثر (شعر اطفال)
- 2 - حدوتت ولد غاوي (قصيدة دراميّة)
- 3 - حب اول الزمان (مسرحية شعريّة عن اوبرا عايدة)

فهرس

5 اهداء
7 قطوف وحروف
11 بسم الله ✓
17 سكة سفر
21 هممة
25 كسر الأسماء
31 على باب الرحيل
37 خوف
41 المدن
45 السؤال
51 إذن دخول
55 تنهيدة عربية
59 روضة فتاح يا عليم ✓
61 شباك تذاكر
63 انسان عبيط
65 أنا مين
69 أمي
73 أبويا

77 من ومن
79 بيأعه
83 كنزي
85 رمضان ✓
89 انتظار
95 الفلق
97 بغداد
101 هلّة فجر
103 بكائية آخر العاشقين
109 لفين رايح ؟

رقم الإيداع بدار الكتب

٢٠٠٦ / ٥٤٠٦

الترقيم الدولي I.S.B.N

977-374-178-8

دار الإسلام للطباعة والنشر

٠٥٠ / ٢٢٦٦٢٢٠

٠١٢٢٦١٤٣٦٣